



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvvs I., Stephanvs IV., Adrianvs et Pseudopapa Constantinus miserunt& reges Francorvm, Carolvm Martellvm, ...

Gretser, Jacob

[München], 1613

Jtem exemplar Epistolæ eiusdem Papæ, ad Domnum Carolvm Regem directa, in qua continetur de Missis Græcorum cum diucitin, id est, dispositore Siciliae, pot reuersionem Attonis Diaconi, Mißi Domni Regis ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

ni regni gubernacula perfrui, & in æthereis arcibus sine fine regnare, vt per vestra laboriosa certamina magis magisque spiritalis mater vestra, sancta Romana Ecclesia, maneat exaltata. Incolumem excellentiam vestram gratia superna custodiat.

Item exemplar Epistole eiusdem Papa, ad

Domnum Carolum Regem directæ, in qua continetur de Missis Græcorum cum * diucitin, id est, dispositore Sicilia, post reversionem Attonis Diaconi, Missi Domni Regis à Beneuento, sum relicta Arichisi ducis conciliati sunt, qualiter Ducatum Beneuentanum à potestate prædicti Regis per insidias substrahere potuissent.

* Dioceta
διοικητης,
admini-
strator

XCII.



OMNIO excellentissimo filio, nostroque spiritali Compatri Carolo, Regi Francorum & Langobardorum, atque Patricio Romanorum Adrianus Papa. Meminit vestra à Deo promota regalis excellentia qualiter ad nos emisit fidelissimos Missos, scilicet Attonem, religiosum Diaconum, & Goteramnum magnificum Ostiarium, & post tergum eorum ad nos venerunt; videlicet, Maginarius religiosus Abbas, & religiosus Ioseph Diaconus qui nobis fideliter intimauerunt ea, quæ illis iniuncta habuit vestra prærectissima regalis potestas, vt secundum nostrum Apostolicum consilium; in partibus Beneuentanis, ita peragerent, qui in nostri præsentia residentes prænominati quatuor Missi, id est, Maginarius religiosus Abbas, Atto & Ioseph religiosi Diaconi, atque Goteramnus magnificus Ostiarium, dum adhuc minimè

Summ. 23.
Bar. 63
Cent.

coniunxisset nostris Apostolicis obtutibus Lutheri-
 cus, qui cum præfato Maginario seu Ioseph, ad nos
 Missus fuit: tale illis præbuimus consilium, vt nullo
 modo se alter ab altero separaret, sed præeuntes Atto
 & Gotteramnus; in oppido Valuæ ibidem expecta-
 rent tam Maginarium & Ioseph, quam Liudericum,
 quem socij eius apud nos morantes exspectabant, qui
 præcedentes scilicet Atto cum Gotteramno, nullo
 modo nostris accommodauerunt consiliis; sed relin-
 quentes penitus Maginarium seu Ioseph & Liudericum
 abierunt singulariter Beneuento; vnde post tergum
 eorum euntes Maginarius cum Ioseph & Liudericum in
 Beneuento iam Attonem & Goteramnum nullo mo-
 do inuenire valuerunt, eò quod in Salernum perrexe-
 rant ad Albergam relictam Arichis ducis; vbi dum
 Maginarius cum sociis suis à fidelibus vestris audis-
 sent, sicut nobis ipsi intimauerunt, eo, quod infideli-
 ter agerent tam relictam prædicti Archiducis, quamq;
 ceteri Beneuentani, erga vestram regalem excellen-
 tiam, atq; nostrum Apostolatam, iniqua atq; aduersa
 tractare non desinunt; fugam arripientes Maginarius
 cum Ioseph & Liudericum, vna cum Gotteramno qui
 ad eos ad loquendum venerat à Salerno, introierunt
 in finibus Ducatus Spoletini in præfato oppido Val-
 uæ, & ibidem morantur vsque ad vestrum regalem in
 triumphis dispositum. Atto vero audiens, vt fertur fu-
 giens intus in Ecclesiam Salerni, præ timore, eiusdem
 Ecclesiæ altare tenuit. Ipsi autem Beneuentani sua-
 dentes, vt reor, & simulantes eum mitigauerunt, & ve-
 strum clericum fidei miserunt, se ipsos fideles in om-
 nibus commendantes.

Et ob nimum suauemq; amoré, quem erga vestrum in-
 uictissimi

uictissimū gerimus regnū, nullo modo valemus præ-
 termittere, liquidius de omni causa vobis insinuare,
 venientes quippe ad nos de Capua, q̄ B. Petro Aposto-
 lorū principi, p̄ mercede animæ vestræ, atq; sempiter-
 nâ memoriâ, cum cæteris ciuitatibus obrulistis, videli-
 cet Gregori⁹ presbyter, Saductus, Pergulfus, Audemū-
 dus, Haimo, Landemarus, Warnefridus, Sigulfus, Au-
 dualdus, & Corbulus, intimaerunt nobis, q̄ dum Atto
 diaconus ad vestrâ reuersus est excellentiâ, statim Mis-
 si Græcorū, duo Spatharij Imperatoris, cum* Diucitin, **Diacete.*
 q̄ latinè *dispositor* Siciliæ dicitur, in Lucaniæ Acropoli
 descendentes, terreno itinere, Salernū ad relictâ Ari-
 gisi ducis peragrantes, tertio decimo Kalend. Februar.
 peruenerunt, qui ibidē cum ipsis tres dies consiliantes
 Beneuentani, post tertiuū diem vsq; Neapolim dedu-
 xerunt; Neapolitani verò cum magno obsequio cum
 signis & imaginibus eos suscipiētes, Neapolim ingres-
 sisunt, pariter & vsq; hætenus cum ipsis Neapolitanis,
 atque Stephano Episcopo eiusdem Neapolitanæ Ec-
 cliæ, pertractantes existunt.

Sed vestra à Deo promota prærectissima regalis ex-
 cellentia, à Deo inspirata, taliter pertractare debet, vt
 suam & nostram in omnibus securitatem procuret, &
 nullius hominis inanes fabulas attendat; neq; mune-
 ribus suadere quispiam eam valeat, sed tantummodo
 pro exaltatione spiritualis matris suæ, sanctæ nostræ
 Catholicæ & Apostolicæ Romanæ Ecclesiæ, suæq; re-
 galis excellentiæ & nostræ decertare nitatur, quia vt
 arbitramur, ipsi Beneuentani istud tempus verum
 transire patientur, vt æstiuo tempore, Deo illis conträ-
 rio, vobis in periurij reatum incurrant: Sed vestra re-
 galis potentia, sic illis in triumphis præire satagat, vt &
 illorum proteruiam procul dubio imminentem sub
 pedi-

*diffame-
sur.

pedibus suis conculcet, & sua exaltatio in toto * profa-
metur mundo, tam de sua prudentissima regali victo-
ria, quamq; de sacratissima oblatione, quam in parti-
bus ipsis Bencuentanis B. Petro, fautori suo, puro cor-
de, ob nimium amorem, atq; sempiternam memori-
am, condonauit, vt dum ipse clauiger regni cœlorum
B. Petrus Apostolus, fautor & protector vester, in in-
tegro vestram suscepit sacram donationis oblatio-
nem, digne valeamus in eius alma Confessione tam
pro vobis, quamq; spiritali filia nostra Domna Regi-
na, vestraq; nobilissima subole, fundere preces, vt per
multorum annorum curricula in hoc mundo regni
gubernacula fruente in æthereis arcibus sine fine re-
gnare mereamini. Incolumem excellentiam vestram
gratia superna custodiat.

*Item exemplar Epistolæ eiusdem Papæ ad
Domnum Carolum Regem, in qua continetur de Præ-
da Persarum in finibus Græcorum facta, & de
discordia, quæ inter ipsos erat.*

XCIII.

Summ. 34.
Bar. &
Cent.

DOMNO excellentissimo filio, nostroq; spiri-
tali Compatri Carolo, Regi Francorum, &
Langobardorum, atque patricio Romano-
rum, Adrianus Papa. Dum nimis in nostro pectore
momentis omnibus vester regnat amor, & multa no-
bis fiducia magnaue gloriatio apud præcellentissi-
mam, atque à Deo promotam vestram regalem po-
tentiam existit. Conuenit nempe nos pro vestri præ-
cellsi à Deo protecti regalis culminis sollicitè cotidiè
inquirere salute, vt agnito, iuxta nostrum desiderium,
omnia